

Inatsisartut suleriaasianni § 37, imm. 1 naapertorlugu, matumuuna Naalakkersuisunut imaattunik apeqquteqarpunga:

Naalakkersuisunut apeqqutit:

- 1. Naalakkersuisut uppersaaniarpat, naartuersitsinnermut, naartulersinnaasunik ikilisaaneq, kinguaassiorsinnaajunnaarsitsinnermut issuertitsisarnermut/mannissaartitsinnermullu tunngatillugit inatsit Kalaallit Nunaannit tiguneqarsimanngitsut, kisiannili sulii naalagaaffiup inatsisaaniittut Kalaallit Nunaannut atuutinneqarlutik, tassungalu ilanngullugu inatsisartut inatsisaat nr. 232, 12. juuni 1975-imeersoq naartuersitsitsisarnermut atatillugu, kiisalu inatsisartut inatsisaat nr. 318, 13. juuni 1973-imeersoq kinguaassiorsinnaajunnaarsitsinnermut tunngatillugu Kalaallit Nunaannut atuutsinneqartut inatsisartut inatsisaat nr. 233, 12. juuni 1975-imeersoq naapertorlugu sulii danskit naalagaaffiata akisussaaffigaa, aammalu Naalakkersuisut naartunaveersaasersuinnermut suliaq pillugu akisussaaffimmik tiguisinnaappat taamatullu Inatsisilerinnermi pisinnaatitaaffik aammalu nunat akornanni inatsisilerinnermi akisussaaffik sulii Danmarkip naalagaaffiata tigummivaa?**

(Inatsisartuni ilaasortaq Kuno Fencker, Naleraq)

Tunngavilersuutit:

Naalakkersuisut siulittaasuut tusagassiuutitut nalunaarummi ulloq 27. agusti 2025-imeersumi oqarpoq, Kalaallit Nunaata sinnerlugu arnanut utoqqatserluni, ukioq 1992-imi Kalaallit Nunaata peqqinnissamik ingerlatsinnermut immikkoortumik tiguserata kingorna naartunaveersaasersuisinnermut suliaq pillugu.

Tamannali inuiaqatigiinnut ersarippoq, Kalaallit Nunaat peqqinnissamik ingerlatsivik tamakkerlugu tiguisimannginnera. **Namminersornerullutik Oqartussat pillugit nalunaarummi kapitali 4.4.2** kiisalu namminersorneq pillugu inatsisip ilanngussat naapertorlugit, ilaatigut (naartuersinneq aamma naartulersinnaasunik ikilisaaneq) kiisalu kinguaassiorsinnaajunnaarsitsineq issuertitsisarnermut/mannissaaneq sulii naalagaaffiup inatsisaaniittut, Kalaallit Nunaannullu atuutinneqarlutik.

Inatsisit atuuttut tassaapput:

- *Naartuersittarneq pillugu Kalaallit Nunaanni inatsit nr. 232, 12. juuni 1975-imeersoq*

- *Kinguaassiorsinnaajunnaarsitsineq pillugu inatsit aammalu issuersitsineq/mannissaaneq pillugu inatsit, inatsisartut inatsisaat nr. 318, 13.juuni 1973-imeersoq, Kalaallit Nunaanullu atuutsinneqartoq inatsisartut inatsisaat nr. 233, 12.juuni 1975-imeersoq naapertorlugu*

Taamaattumik Kalaallit Nunaat immikkoortunik taakkuninnga tiguisimanngimmat sulili naalagaaffiup suliassanut ilaasut, naartunaveersaasersuisimaneq pillugu suliaqarnermut atatillugu pisimasut pillugit inatsisilerituutut aammalu nunat akornanni inatsisilerinermi akisussaaffik Danmarkip naalagaaffiata tigummisariaqarpaa.

Taamaattumik erseqqissuliunnginnerusutut ajornartorsiutaasutullu isigaara, Naalakkersuisut namminneq akisussaaffimmik tigusiillutik suliaqarnerat pillugu, inatsisinik akuersisarnissamut pisinnaatitaaffik aammalu naalagaaffiup akisussaaffia sulii Danmarkimit tigummineqaraluartoq.

Apeqqut manna aqqutigalugu, akisussaaffiit qanoq agguataarneqarnersut erseqqissumik paasiniarpara.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasooq aallaavigineqassaaq.